

PRIKAZ OKRUGLOG STOLA "AKTUELNA PRAKSA USTAVNOG SUDA BIH PO APELACIJAMA U KRIVIČNOJ OBLASTI"

• • •

PRIKAZ OKRUGLOG STOLA "AKTUELNA PRAKSA USTAVNOG SUDA BIH PO APELACIJAMA U GRAĐANSKOJ OBLASTI"

prikaz

Pripremili: **mr. sci. Arben Murtezić***
dr. sci. Davor Trlin**

Centar za edukaciju sudija i tužilaca Federacije Bosne i Hercegovine organizovao je, u skladu sa Programom početne obuke i programa stručnog usavršavanja za 2017. godinu, 16/17. oktobra 2017. godine **okrugli stol o praksi Ustavnog suda Bosne i Hercegovine po apelacijama iz krivične oblasti**.

Voditelj okruglog stola je bio gospodin Zlatko M. Knežević, sudija i potpredsjednik Ustavnog suda Bosne i Hercegovine. Gospodinu Kneževiću je gospodin Arben Murtezić, Direktor CEST-a FBiH prvog dana okruglog stola svečano dodijelio zahvalnicu za doprinos edukaciji nosilaca pravosudnih funkcija. Ovaj okrugli sto je značajan kako zbog vrlo aktuelne teme, tako i zbog predavača, koji je osim što je sudija Ustavnog suda BiH, sudijama i tužiocima poznat kao dugogodišnji advokat praktičar, sa iskustvom u oblasti krivičnog prava.

Na okruglom stolu se govorilo posebno o: dopustivosti apelacije; odnosu Ustavnog suda Bosne i Hercegovine i redovnih sudova u kontekstu člana VI/3.b); novijoj praksi Ustavnog suda BiH po apelacijama u krivičnoj oblasti, te o incidentalnoj kontroli ustavnosti.

U fokusu prvog dana okruglog stola je bila ocjena ustavnosti Zakona o krivičnom postupku BiH.

* Direktor Javne ustanove Centar za edukaciju sudija i tužilaca u FBiH

** Viši stručni saradnik Javne ustanove Centar za edukaciju sudija i tužilaca u FBiH

Gospodin Knežević je učesnike prvog dana upoznao da Ustavni sud BiH podstiče da se sudije obrate Ustavnom sudu BiH, kada je riječ o odnosu redovnih sudova i Ustavnog suda BiH u kontekstu člana VI/3.c) Ustava BiH. Gospodin Knežević je istakao da je proaktivno djelovanje sudija redovnih sudova uslov za realno odlučivanje Ustavnog suda BiH.

Kada je riječ o (apstraktnoj) ocjeni ustavnosti određenih odredbi ZKP-a BiH, gospodin Knežević je uvodno učesnike upoznao da se na području bivše Jugoslavije vodi rasprava o usklađenosti Zakona o krivičnom postupku sa praksom Evropskog suda za ljudska prava, *ACQUI*-jem i ustavnim sistemom konkretne države. Podsjetio je učesnike da je ovaj proces pokrenuo Ustavni sud Republike Hrvatske.

Nakon toga je prešao na odluke Ustavnog suda BiH u ocjeni ustavnosti pojedinih odredbi ZKP-a BiH, a posebno se osvrnuo na:

- pravo svjedoka da ne odgovara na pitanja;
- tjelesni pregled i druge radnje;
- kaznena djela za koje se mogu odrediti posebne istražne radnje;
- nalog za provođenje istrage i okončanje istrage, te na
- podizanje optužnice.

Voditelj okruglog stola je učesnike prvog dana upoznao da će se u novembru 2017. godine održati zajednički okrugli stol, na kojem će, pored predstavnika Ustavnog suda, biti i predstavnici Suda Bosne i Hercegovine, vrhovnih sudova entiteta i Apelacionog suda Brčko distrikta Bosne i Hercegovine, a koji će u fokusu imati standarde obrazloženja, tj. šta je to obrazložena sudska odluka (kako ju poima Evropski sud za ljudska prava, a kako Ustavni sud BiH).

Drugog dana je gospodin Knežević učesnike *ex chatetra*, bez raspravljanja, upoznao načelno sa nekim odlukama Ustavnog suda BiH u krivično-pravnoj oblasti, te standardima obrazloženja, pritvoru i zakonitosti dokaza.

Okruglom stolu su prisustvovala sudije/tužioc i iz sudova/tužilaštava sa svih nivoa vlasti.

• • •

Centar za edukaciju sudija i tužilaca Federacije Bosne i Hercegovine organizovao je, u skladu sa Programom početne obuke i programa stručnog usavršavanja za 2017. godinu, 14. novembra 2017. godine **okrugli stol o praksi Ustavnog suda Bosne i Hercegovine po apelacijama iz građanske oblasti.**

U fokusu su bili standardi obrazloženja u odlukama Ustavnog suda Bosne i Hercegovine u građanskoj oblasti.

Okruglom stolu su prisustvovala sudije iz sudova sa svih nivoa vlasti. Ukupno je bio prisutan 41 učesnik.

Kao i na prvom okruglom stolu o praksi Ustavnog suda BiH, održanom u oktobru, a koji se odnosio a apelacije u krivičnoj oblasti, voditelj okruglog stola je bio gospodin Zlatko M. Knežević, sudija i potpredsjednik Ustavnog suda Bosne i Hercegovine. On je uložio veliki trud u pripremu i realizaciju ove obuke, te je dao sistematičan pregled važnijih stavova jurisdikcije.

Gospodin Knežević je izlaganje i analizu važnih odluka Ustavnog suda BiH, podijelio u podoblasti: član 6. EKLJP (u predmetima AP: 2394/06, 2944/08, 2691/10, 3991/11, 900/12, 382/17, 504/08, 1498/09, 670/04, 1505/05, 1783/06, 2900/09, 2405/09, 1336/10, 2941/10, 4128/10, 2276/11, 735/12, 4179/12, 2804/14 i 1838/13); član 10. EKLJP (predmet AP 3222/12), člana 14. EKLJP (predmeti AP: 4468/11, 369/10 i 4207/13); član 1. Protokola I uz EKLJP (predmeti AP:2310/06, 1835/12, 2195/14, 1362/06 i 3164/12); dodatni primjeri iz prakse (radno pravo, naknada materijalne štete, starosna mirovina, pravna valjanost sudske nagodbe, neizvršenje sudske odluke).

Na samom kraju okruglog stola gospodin Knežević je učesnike upoznao sa stavovima Evropskog suda za ljudska prava u vezi sa slobodom izražavanja (član 10. EKLJP), posebno kada je riječ o govoru mržnje (*Ivanov protiv Rusije, Rajak protiv Hrvatske, Garaudy protiv Francuske, Vejdeland i ostali protiv Švedske*, a posebno kada je riječ o kleveti (*Handyside protiv Ujedinjenog Kraljevstva, Petrín protiv Rumunije, Lingens protiv Austrije i Feldek protiv Slovačke*).